

## **Sjöundi ársfundur Félags grunnskólakennara haldinn fimmtudaginn 12. mars 2009 á Hótel Loftleiðum, Reykjavík**

Ólafur Loftsson formaður FG setti fund kl. 10:00 og kynnti dagskrá. Hann stakk upp á Jóhannesi Þór Skúlasyni sem fundarstjóra og Brynju Á. Sigurðardóttur og Kristínu Jónsdóttur sem riturum. Það var samþykkt. Jóhannes tók við stjórn og kannaði mætingu með nafnakalli og kynnti breytingar á dagskrá sem voru samþykktar ( tilfærsla á kaffi tímum). Að því loknu var gengið til dagskrár.

### **Dagskrá:**

1. Ársskýrsla stjórnar Félags grunnskólakennara
2. Reikningar lagðir fram
3. Umræða um ársskýrslu og reikninga
4. Önnur mál
5. Formlegum ársfundi slitið

### **Erindi**

1. Kjarasamningar, réttindi og skyldur  
**Erna Guðmundsdóttir lögfræðingur KÍ**
2. Lífeyrissjóður starfsmanna ríkisins, A- og B- deild, séreignarsparnaður o.fl.  
**Haukur Hafsteinsson framkvæmdastjóri LSR**
3. Um stöðu kennara í kreppunni  
**Hugo Þórisson sálfræðingur** (sameiginlegt með FL)

### **1. Ársskýrsla stjórnar Félags grunnskólakennara.**

Skýrslu stjórnar um starfsemi félagsins frá 4. aðalfundi 2008 var dreift á fundinum. Þar er m.a. gerð grein fyrir starfsmannahaldi, fjármálum, störfum einstakra nefnda og samráðs- og trúnaðarmannafundum. Ólafur Loftsson formaður fór yfir skýrsluna með nánari útskýringum á einstökum liðum. Hann kynnti breytingar á fjárhagsáætlun og gerði grein fyrir því að verið væri að leita leiða til að auka fjármagn til svæðafélaga. Einnig kom fram að verið er að fara yfir reglur um þóknunir fyrir nefndastörf og fundasetu. Hann rakti í stuttu máli vinnuferil við gerð kjarasamnings á síðasta ári og sagði frá stöðu mála í dag. Vegna óvissu um fjárhag sveitarfélaga eru samningamál í biðstöðu. Stjórn FG leggur áherslu á að upplýsa félagsmenn um réttindi og skyldur. Í lokaorðum Ólafs kom fram að óvissutímar eru framundan, kosningar til Alþingis, óvissa um gerð kjarasamninga og fleira. Félag grunnskólakennara þarf að tryggja hag skólabarna í landinu með öllum mögulegum leiðum. Standa verður vörð um grunnskólann. Hann þakkaði síðan fundarmönnum og fjarstöddum trúnaðarmönnum fyrir störf í þágu félagsins.

### **2. Reikningar lagðir fram.**

Fylgiskjal hvítt blað (ítarlegra sent fundarmönnum þegar það liggur fyrir) Gjaldkeri félagsins Inga María Friðriksdóttir fór yfir reikningana.

### 3. Umræður um skýrslu og reikninga.

Sigurjón: finnst orðalag og umræður um vanda svæðafélags of loðið og vill nánari upplýsingar.

Ólafur Loftsson: gerði nánari grein fyrir málinu og það væri allt í eðlilegu ferli.

Þorgerður: taldi það geta orkað tvímælis að minnast á málið í skýrslu stjórnar en taka ekki fram hvaða félag væri rétt um og því væri betra að tak það út úr skýrslunni en hafa það óbreytt. Hún vildi fá upplýsingar um hvað kom út úr könnun meðal trúnaðarmanna (sjá bls. 6 í skýrslu) og hvernig hefði verið farið með þær upplýsingar. Einnig velti hún því fyrir sér hvort það gæti verið til bóta að hafa skýrslur svæðafélaga tilbúna á ársfundi og fjalla um þær því þar sæist hvað grasrótin væri að gera. Þorgerður ræddi Öskudagsráðstefnu KFR og velti því fyrir sér hvort hún væri ekki ígildi haustþings þó hún bæri annað nafn.

Ólafur Loftsson: niðurstöður úr könnuninni liggja fyrir og búið er að vinna úr þeim, öll frekari vinna með þær liggur niðri vegna ástandsins í þjóðfélaginu. Hann taldi ekkert til fyrirstöðu að skýrslur svæðafélaganna lægju frammi á ársfundi en samkvæmt lögum FG bæri að leggja fram skýrslu stjórnar og ræða hana. Ólafur taldi Öskudagsráðstefnuna sambærilega haustþingi enda viðurkennd bæði af FG og vinnuveitanda sem veitti tíma fyrir ráðstefnuna.

Þorgerður: spurði hvort það væri rétt að FG hefði lækkað bifreiðastyrk til trúnaðarmanna og hvort styrkurinn væri lægri en kjarasamningar kvæðu á um.

Þórður Hjaltsted: sagði að greiðslur FG hefðu verið á svig við greiðslur annarra reglur KÍ og því hefðu greiðslur verið samræmdar miðað við reglur KÍ, en trúlega yrði að færa greiðslur til fyrra horfs.

Ólafur Bernóðusson: bað um skýringu á orðalagi í skýrslu þar sem kveðið er á um tilskilda menntun kennara. Einnig hver vegna væri rétt um deildir félaga en ekki svæði í reikningum félagsins.

Hannes: Baðst afsökunar á deildum þetta hefði verið klaufavilla sem yrði löguð strax

Kristín Jónsdóttir: sagði að í skólum væri algengt að kennarar sinntu kennslu ýmissa greina án þess að haf tilskilda menntun til þeirra því hefði þótt rétt að áréttu þetta í skýrslunni

Margrét: spurði hvort um ársreikninga væri að ræða þar sem ekki er minnst á rekstrareikning, tap né hagnað

Hannes: sagði að reikningar hefðu borist af seint til að koma með þá og því hefði ekki verið rétt að kalla þetta ársreikning þetta væru frekar tölur til að sýna okkur afkomuna en undirritaðir reikningar yrðu sendir til fundarmanna um leið og þeir lægju fyrir.

Ólafur Loftsson: fjármálin eru ekki hjá FG heldur liggja þau alfarið hjá KÍ og formaður og varaformaður FG haf kort sem er nýtt fyrir allar greiðslur FG en eiginlegir fjármunir eru hjá KÍ

### 4. Önnur mál

Sigurður Haukur: Frumvarp um breytingar á Grunnskólalögunum um upplýsingaskildu til foreldra. Þar er foreldri skilgreint sem forsjáraðili og það foreldri sem ekki hefur forsjá barnsins á ekki rétt á neinum upplýsingum um barnið t.d frá skóla eða gegnum Mentor. Frumvarpið er í umræðu á þingi Þorgerður: spyr hvort verið sé að hnykkja á greininni

Sigurður Haukur: árið 2003 höfðu báðir foreldrar rétt á upplýsingum um barn óháð forsjá. Í grunnskólalögum frá 2008 er sá réttur einungis hjá forsjáraðila og frumvarpið felur í sér ítrekun á þessu.

Rannveig: hvað um sameiginlegt forræði

Sigurður Haukur: það virðist nóg að móðirin fari fram á að faðirinn fái ekki upplýsingar

Þórður Hjaltsted: í vetur kom erindi frá lögfræðisviði

Menntamálaráðuneytisins vegna 3gr. Grunnskólalaganna. Stjórn FG sendi strax formlegt erindi til ráðuneytisins en hefur ekki fengið svar. Samkvæmt barnalögum má afhenda gögn til foreldra óháð forræði. Menntasvið

Reykjavíkur túlkaði þetta þrengra og því var erindið sent til þingsins til að fá niðurstöðu.

Brynja: hver tryggir að réttar upplýsingar um forræði komist til Mentors

Lilja: telur að Menntamálaráðuneytið geri sér ekki grein fyrir hvernig málum er háttað í skólum varðandi t.d foreldraviðtöl, stundatöflur heimanám og annað sem lítur að upplýsingum til foreldra

Þorgerður: Vildi vekja athygli á Velferðarvaktinni sem er samstarfsverkefni heilbrigðis-, mennta-, og félagssviðs Reykjavíkur. Hlutverk þess er að fylgjast með líðan og velferð barna og hvernig er helst hægt að grípa inn í eins og málin standa í dag. Einnig kom hún inn á málefni kennara vegna niðurskurðar í skólamálu. Fækkun stöðugilda, stækkun bekkja, fækkun í stjórnunarstöðum svo dæmi mætti nefna.

Rannveig: fækkun stjórnenda þýddi að þeir færu í kennslu og því þyrfti að fækka kennurum í þeim skólum sem ekki væri fjölgun á nemendum. Ekki þarf að fara eftir starfsaldri þegar fækkað er

Ólafur Loftsson: Erna kemur inn á þessi mál síðar í dag. Í dag eru kennarar ráðnir til sveitarfélag en ekki við tiltekinn skóla, því ber sveitarfélaginu að bjóða kennara stöðu við annan skóla í sama sveitarfélagi næstu 5 ár ef staða losnar eða er laus. Skólastjóri ber faglega ábyrgð á uppsögnum. Kennari sem fær uppsögn ætti að hafa samband við FG til að tryggja öll réttindi sem best.

Sigurður Haukur: situr í skólanefnd Kópavogs og hefur bent þeim á að um 20 leiðbeinendur séu að störfum í bænum og því sé eðlilegt að þeir fari fyrr en réttindakennarar. Einnig hefur hann bent á að kennarar séu ekki ráðnir við tiltekinn skóla heldur sveitarfélagið og því beri að bjóða þeim stöðu við annan skóla

Þorgerður: ræddi um viðbótarstund í grunnskólum Reykjavíkur. Í upphafi hafi þessar stundir verið hugsaðar fyrir heimanám nemenda til að auka jafnræði milli þeirra (þá er ekki um neitt heimanám að ræða nema lestur), en það væri mjög mismunandi hvernig skólar hafa framkvæmt þetta og sums staðar sé um almenna kennslu að ræða. Ef heimanámstíminn fellur niður standa sumir nemendur verr að vígi en aðrir þegar foreldrar eiga að aðstoða við nám barna sinna.

Lilja: í haust var verð á skólamáltíð samræmt í 250 kr. og það þýddi að gæðin urðu minni og gæti stundum skýrt fækkun á nemendum í mat. Viðbótar tíminn var hrein lenging á skóladegi nemenda og tryggði að þau væru ekki ein heima ca helming dagsins þegar foreldrar voru í vinnu.

Sturla: á öllu svæði KR eru menn að reyna að verja grunnþjónustuna en fjárhagur sveitarfélaga er mjög mismunandi. Hann vakti athygli á að það eru ekki allir sem eiga rétt á aðstoð sveitarfélaga þar sem þeir hafa t.d haft of há laun til að falla undir skilgreiningar til aðstoðar. Því eru sum sveitarfélög að efla sjóði annarra t.d kirkjunnar sem gæti aðstoðað þá sem falla utan

skilgreininga. Íþróttafélög munu reyna að aðstoða börn þeirra sem eru í vanda t.d með félagsgjöld og aðrar greiðslur tengdar íþróttum

Helga: Vestmanneyjar virðast ekki koma illa út en þar er reynt að fylgjast vel með til að grípa inn í ef þörf er á

Jóhannes: minnti á fund KÍ á Grand Hótelu á morgun

Ólafur Loftsson: Sagði að félög utan kennarasamtakanna eins og td samtök atvinnulífsins væru sammála um að verja þyrfti börnin.

Hann kallaði eftir skýrslum og reikningum svæðafélaga og sleit síða formlegum fundi

Erindi fluttu

Erna Guðmundsdóttir lögfræðingur FG

Hún fór yfir réttindi kennara þegar að uppsögn kæmi og ítrekaði að uppsögn yrði að vera skrifleg og miðaðist við mánaðarmót. Tölvupóstur og munnleg uppsögn telst ekki gild. Einnig kom hún inn á að uppsögn í veikindaorlofi skerði ekki veikindarétt þannig að fyrst ljúki viðkomandi veikindaorlofi og síðan taki við 3 mánaða uppsagnarfrestur eða lengri eftir réttindum hvers og eins.

Haukur Hafsteinsson framkvæmdastjóri LSR

Ræddi um stöðu lífeyrissjóðsins og réttindi úr A og B sjóði

Hugo Þórisson sálfræðingur

Talaði út frá stöðu kennara í kreppunni

Hann kom inn á hlutverk kennara í samfélaginu

Í samstarfshópnum

Meðal nemenda

Og sem persónu